

SALMOS

Salmo 31

Maitei angirũ che rendúva. Ñañepyrũ ñande estudio bíblico Salmos rehegua. Ko árape ñamyesakâta pe Salmo 31. Umi Salmo rupive jahecha kuaa pe Ñandejára ojapóva ha ojarótava hetâgua rehe.

Ñane programa mboyve guápe ja'e Kuri pe Salmo 30pe jahecha kuaa mba'êichapa David omomba'e guasu Ñandejárape omonguera rupi chupe.

Pe ohai vaekue ko'áva estudio bíblico, Dr. J. Vernon McGee he'i pe " Salmo 30 ha'eha pe Salmo omomba'éva umi hasýva". Ñamoñe'ẽ umi versículo 2, 3 ha 4 pe Salmo 30gui:

² Ñandejára che Jára,

ndéve ajerure che pytyvõ haguã

ha nde che monguera.

³Ñandejára,

amanomahágui che moingove jey,

che renohẽ omanóva ohohágui.

⁴Peẽ, Ñandejára rehe pejeroviáva,

pepurahéi chupe.

Peropurahéi héra marangatu. (Sal. 30:2-4)

Dr. McGee, he'ive ko'áva versículo rehe, ojejapo vaerâ peteî coro tuicháva hérava “Pe Coro Cáncer rehegua”, upépe opurahéi haḡua tapicha hasýva cáncergui ha Ñandejára omombaretéva chupe kuéra. Ha'e he'i: “Che avy'a umi 7 ky'a ojekuaa vaekue che pulmónpe, omañávo hese pe doctor he'i heta oî ndaipóri véima”. Dr. McGee oporandu pe doctorpe: “¿Ndépa ere umi ambue ky'a avei ojeipátaha?” Ha pe doctor he'i: “Ndaikuaái, péicha sa'i oiko ha péva pe mba'e vai ikatu oñemboheta jevy”. Ha Dr. McGee he'i: “Che aime Ñandejára pópe ha ikatu ha'e David ndive: *Peẽ, Ñandejára rehe pejeroviáva, pepurahéi chupe*. Che ndapurahéi kuaái ha iporâ vaerâ opavave ore rasýva cáncergui ropurahéi ko Salmo Ñandejárape”. Ko Salmo avei ikatu heta tapicha hasýva opurahéi Ñandejárape. Angirũ che rendúva, Ñandejára nañane monguerái ñane mba'e porâ rupi, ha'e nañane monguerái japredica térâ ñambo'e rupi Biblia. Ha'e ñane monguera imarangatu rupi. Ha'e oikuaapa ñane angaipa ha ñande salva Igracia rupive; Ha jaguerohory vaerâ Ñandejárape ñane monguera rupi ha'e pe ñande doctor ikatupyryva ha ikatupáva!

Angirũ che rendúva ko árape nde rasy ramo eḡuaheke pe Pohanohára Ikatupyryvéva rendápe ha upe rire eho doctorpe, Ñandejára

ome'ẽta chupe arandu nepohano haḡua hekopete.

Ñaḡuahema pe Salmo 31pe, ko'ápe jaguereko umi ohasáva umi imarangatúva. Ko Salmope jajuhu pe David ohasa vaekue; avei oñe'ẽ pe jehasa asy rehe oḡuahetava tetã Israelpe pe gran tribulación aja. Ko Salmo iporâ eterei. Ñamoñe'ẽ pe primer versículo 1:

***¹Ñandejára, ne rendápe niko aguahẽ,
ani che rejátei añemotĩ. Nde, nde reko jojágui,
che pe'a jejopy vaígui. (Sal. 31:1)***

David oikuaa Ñandejára oñyrôha chupe. David he'ive pe versículo 2pe:

***²Che rendúke Ñandejára, ha pya'e eju che pytyvõ.
Nde upe che rehe reñangarekóva nde guýpe añemo'ã***

ha che renohẽ jejopy vaĩgui. (Sal. 31:2)

Ñande ñaikotevẽ peteĩ ita imbaretéva rehe ha ndaha'úi peteĩ ita'í ikangýva. Jesucristo he'í: *Ko ita ári amopu'ãta che Iglésia. ¿Mávapa pe ita? Ha'e Cristo. Apóstol Pablo he'í Primera Corintios, capítulo 3, versículo 11pe: Avave ndaikatu véima omopyenda jey pe ipyendámava, ha upe pyenda hína Jesucristo. Ha'e pe ñande Salvador. Ha'e pe ita mbarete ikatuhápe japytu'u. Ñame'ẽ ñande aguije Ñandejárape Cristo Jesús ha'e rehe pe Ita Imbaretéva.*

David he'ive pe ita rehe pe versículo 3 ñepyrurâme:

3ª Nde réra rehehápe

eñangareko che rehe (Sal. 31:3a)

Angirũ che rendúva, ¿Ñandejárapa ha'e pe nde Ita? ¿Upépepa repytu'u ko árape? David he'í: *Nde réra rehehápe*

eñangareko che rehe. Ñande avei ñaikotevẽ Ñandejára oikotevẽ ñande rehe, angirũ che rendúva. David he'ive opakúevo pe versículo

3:

3b ha che sãmbyhy. (Sal. 31:3b)

Ñandejára oñangareko David rehe ojerovia rupi hese ha oñembo'e chupe. Ko'agã rupi ñande avei ikatu ñañoembo'e Ñandejárape Jesucristo rérape. David he'í pe versículo 4pe:

4Ñuhã niko omoĩ chéve hikuái. Che pe'a kena upégui.

Ndéko hína pe che rehe reñangarekóva. (Sal. 31:4)

Pe versículo 5pe he'ive:

5Nde pópe amoĩ opa che rekove, che Jára Ñandejára añetete, nde hína pe che pytyvõtava. (Sal. 31:5)

Ne mandu'áne ko'áva ñe'ẽ Ñandejára Jesucristo he'i Kuri pe kurusu rehe. Ko Salmope he'i: *nde pópe amoĩ che espíritu!*. Ñandejára Jesucristo he'i péicha: *Che ru, nde pópe amoĩ che espíritu!*. Ha Esteban, pe peteĩha mártir cristiano, he'i omano mboyve: *Ñandejára Jesús, nde pópe amoĩ che espíritu!*.

Umi cristiano kuéra ojejukáva tapiate he'i péicha. Umíva apytépe jajuhu John Huss, Policarpo, Bernardo, Jerónimo de Praga, Lutero, Melancton, ha hetave cristiano he'i omanokuévo, *nde pópe amoĩ che espíritu!*. ¡Tuichaite mba'é péva, angirũ che rendúva ! Pe versículo 7pe he'i:

7Ñandejára, ne mborayhu che mbovy'a.

Rehechávo che mba'e mbyasy

ha reikuaávo ahasa asyha, (Sal. 31:7)

Pe salmista he'i péicha mokõi jevy ha péva ome'ẽ ñandéve py'aguapy jaikuaávo Ñandejára oñangareko ñande rehe jahasa vai jave. Ne mandu'áne ha'e he'i Moiséspe oguenohese ramo guare umi Israelguápe Egiptogui: *Ha he'i Ñandejára:—Ahecha oiko asyha che retãgua kuéra Egítope. Ahendu ipyahẽha mba'e pohýi guýpe. Ahechapaita hembiasa asy. 8Péina aguejy aipe'a haguã Egiptogua poguýgui Israel guápe.* Ha jaikuaa Jesús, ohecha hague hi'apóstol kuérape pe pyhare ára vai jave Mar de Galileape; ha'e kuéra oimo'ávo omanótaha, Bibliape he'i: *Pe y pochy katu oñenupã pe kanóa tĩre ha Jesús ohecha chupe kuéra.* Péva ome'ẽ ñandéve jerovia Jesús ñande recha jahasa vai jave. ¡Ajépa tuichaite mba'e péva! Pe versículo 9 ñepyruráme he'i:

9aÑandejára, che poriahurereko kena. (Sal. 31:9a)

¿Rehasa vaípa hína angirũ che rendúva? Remombe'u rangue opa rupi ne rembiosa emombe'úke Ñandejárape. Ere chupe: “Ñandejára añeñandu vai”. Péicha ojapo David. Pe versículo 15, ñepyruráme he'i:

15 ha opa che rekove nde pópe oïha. (Sal. 31:15a)

David he'i "ha opa che rekove nde pópe oï". Ñandejára Ñe'ême he'i: Umi ipo ojekutu ñane angaipa rupi. Ha'e avei pe ovecha rerekua ruvicha po marangatu. Ha'e omopu'â pe ovecha okañývape ha omoî chupe ijati'y rehe. Ha'e oñangareko ñande rekove rehe, ha peteî árape ou jevýta tuicha jehovasa reheve. Ipo ñande rovasáta. Pe versículo 16 ñepyruráme he'i:

16a Ñandejára, ehecha kuaa kena chéve. (Sal. 31:16a)

Pe comentarista hebreo he'i: "Pe Ñandejára rova ha'e pe Mesías". Nde rehecha kuaa Ñandejára ha'eha Espiritu. Ñande nda jaikuaái chupe ha Ñandejára Jesucristo ou ko arapýpe ha ha'e pe Ñandejára rova. Ñande jaguereko pe Ñandejára Jesucristope ñane ndive. Pe versículo 19 ñepyruráme he'i:

19a; Ñandejára, tuichaite niko upe ne mborayhu, (Sal. 31:19a)

Amo gotyove ñaḡuaheta peteî Salmo he'ívape: *Perohory Ñandejárape, ipy'a porâ ha imborayhu ndopáigui araka'eve. Te'i umi*

Ñandejára oguenohẽ vaekue jejopy vaígui, pe Salmo 107pe. ¿Erémapa nde rapichápe Ñandejára ipy'a porâha? Ha'e ñande rayhu,

angirũ che rendúva!

Ñaḡuahema pe Salmo 32pe, kóva ha'e ambue Salmo iporâ etereíva. Ko Salmope heta oî oguerekóva peteî joya espiritual ramo, ha heta tapicha avei nomyesakâ porâi ko Salmo. Ko Salmo ohai David.

Ko Salmope jahecha kuaa Ñandejára oguerekoha peteî mba'e porâ Israelpe ḡuarâ. Daniel, capítulo 11, versículo 33pe ñamoñe'ẽ: *Umi iñarandúva oheko mbo'éta hetápe. Upéi katu ojekukáta, ojehapýta, oñemondáta chugui kuéra opa mba'e oguerekóva, ha ojereraháta tembiguairã tetã mombyrýpe. Kóva ipukumíta hína. Umi iñarandúva* –pe ñe'ẽ hebreo

masquil he'iséva arandu— ojeporu ko'ápe. Daniel he'i jevy: *Umi oporoheko mbo'éva avei ojejukáta. Upéicha ojekuaáta mba'eichaguápa ha'e kuéra, ha hekove ipotĩ ha iporãvéta oiko haguã chugui kuéra kuimba'e joheipyre, oguahẽ meve pe ára paha, Ñandejára omoĩmava.*

Rehecha kuaápa mba'éichapa ko'ápe Daniel oñe'ẽ pe oikótava rehe. Daniel he'i umi iñarandúva oikuaaha pe oikótava, ha Daniel he'i jevy pe capítulo 12, versículo 3pe: *Kuimba'e arandu oisãbyhy vaekue hetápe tape porãre, overáta pe arapyre, mbyjaitáicha omimbíta, opa árape guarã.*

Upe rire pe versículo 10, pe capítulo 12pe, Danielpe he'i: *Heta oĩ oguerohasátava jeiko asy, ha osẽtava upégui ipotĩ ha ijoheipyre. Umi heko añáva katu, akóinte iñañáta oikuaa'ỹre mba'épa ojehe. Umi iñarandúva katu oikuaáta pe ojuhúva, – masquil – Umi iñarandúva katu oikuaáta. ¡Péva tuicha mba'e angirũ che rendúva!*

Ñamoñe'ẽvo Nuevo Testamento, Ñandejára Jesús oñe'ẽ pe ohasátava rehe tetã Israel; péva ikatu ñamoñe'ẽ San Mateo, capítulos 24 ha 25pe. Ha'e oñe'ẽ Daniel rehe, oñe'ẽvo pe oikótava rehe opakuévo, Jesús he'i: *Pehecháta Ñandejára kotýpe ta'ãnga ahẽ maranduhára Daniel imandu'a hague, omongy'áva pe Tupao.*

Ñande ñaha'arõ pe Jesús ou jevýtava nadaha'ei pe ta'ãnga ahẽ maranduhára Daniel imandu'a hague, omongy'áva pe Tupao. Jahecha kuaa Jesucristo he'ive: *(pe omoñe'ẽvape tahesakã).* Ko Salmo ñane mbo'e pe oikótava rehe.

Ko'ápe jaguereko avei pe oje'éva Apocalipsis, capítulo 6 guive 18 peve, oñe'ẽva pe gran tribulación rehe. Pe capítulo 13pe opakuévo pe capítulo oñe'ẽ ñandéve umi mokõi mymba vai oisambyhýva pe imperiope, pe mburuvicha he'ívante ojejapo vaerã hi'aũimava hína: *Ko'ápe ojehecháta arandu; oikuaáva, he'i kuaáva pe tymba vai guasu ojepapaha, yvypóra jepapaháva. Upe jepapaha, 666 hína. Umíva umi árape Ñandejára voi ojekuaaukáta hetãguápe.*

Ko Salmo penitencialpe, David oñemombe'u. Pe Salmo 51pe jajuhu avei, David omombe'u iñangaipa ha ojerure Ñandejárape oñyrõ hağua chupe. David oñembo'e profeta Natán he'i rire chuo: *Nde ha'e upe kuimba'e.* Pe Salmo 51pe, David he'i Ñandejárape, *Embopyahu jey chéve vy'a añandúva ajepopy vaihãgui che renohẽvo, ha nde pu'aka*

marangatu ta che mombarete. Nde rape rehechaukáne iñangaipávape, ha heko vaíva ojevýne ne rendápe.

Péicha ñamohu'ã ñande estudio Salmos rehegua. Ambue programape ñamyesakâvéta ñane mbo'epy. Ñandejára pytyvô rupive.

Ehaíke oréve remombe'úvo mba'éichapa ne pytyvô ko mbo'epy. Reipota ramo umi nota ha bosquejo, ikatu reike reite ore página internet peguápe, kóva ha'e pe dirección atravesdelabiblia.org/notas, atravesdelabiblia.org/notas, ha'e jey atravesdelabiblia.org/notas.

Rehenduse jey ramo ko programa, téra ne rehendúi ra'e peteíva eike jey atravesdelabiblia.org/recursos, ha'e jey atravesdelabiblia.org/recursos.

Angirû che rendúva, roha'ãrõ rehai oréve téra embou peteĩ mensaje WhatsApp rupive 0981 521 200pe Radio Transmundial Paraguaye, rejerurévo umi nota ha bosquejo ko programa rehegua. Téra ehai oréve internet rupive ko direcciónpe atbparaguay@transmundial.org, ha'e jey atbparaguay@transmundial.org ; roha'ãrõ rehai oréve. Ñandejára tande rovasa porãite.